



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Controversiarvm Omnivm Hvivs Ævi
Lvthero-Calvinisticarvm Libri Tres**

Coppenstein, Johann Andreas

Mogvntiæ, 1627

XXXIII. An detur causa Reprobationis ex parte reproborum?

urn:nbn:de:hbz:466:1-35233

Deus iis dare gloriam, quam vellet & ordinaret Media: ergo haec non causa voliti finis.

Dico nunc igitur Ad Priorem tensum Caluini, non quidem esse hereticum, afferi tamen ab eo inconstantem.

1. Quia si electio facta est ante prævisionem peccatorum, ergo & ante decreta Christi Incarnationem. Quomodo igitur Electio potuit esse facta in Christo, inque eius meritis fundata: ut fatetur Caluinus *Infl. 3. c. 24. §. 5.* nos in Christo electos esse. At *Infl. 2 c. 12. §. 4.* docet, Christum non venturus fuisse in carne, nisi peccasset Adam. Vnde sequitur, prius præuisum fuisse peccatorum, quam decretam Christi Incarnationem: & ante hanc, præesse Electionem.

2. Quia Electionem factam ait ante prævisionem omniū operū: Et tamen afferit: Infantes, sine baptismo decedentes, saluari in fide parentum. Ergo Deus in Electione parvorum habuit aliquem respectum ad Fidem parentum. Itaque Calvinistæ sic ipsi se iugulant sua contradictione.

De Pelagianis, causam prædestinationis constituentibus in vnu bono liberi arbitrij, bonisque operibus: vide in Genealog. p. 4. q. 10.

QVÆSTIO XXXIII.

An detur causa REPROBATIONIS ex parte Reproborum?

CALVINVS Locis suprà citatis, & Calvinistæ ceteri in causa prædestinationis, ad solam Dei Eudokiam referenda, nobiscum

aduersus Pelagianos consentiunt: Nisi quod in asserta veritate secum ipsi pugnant: In causa item Reprobationis Negativa, quæ est voluntas Dei Non saluandi reprobos, conueniunt nobiscum: Itemque in causa Reprobationis Positiva, quæ est voluntas Dei damnandi reprobos, ob præuisum peccatum originale vel actuale: a nobis Dissentunt: Voluntque Deum eterno & immutabili Decreto quodam ad mortem destinasse sine Respectu aut Prævisione peccati orig. aut Actualis; sed pro solo suo beneplacito.

SVADET Scharpius in cursu Theologico quindenis argutatiunculis: & nostra refutare sibi videtur argumenta. Sed quibus utrisque omnibus una sufficit securis.

2. Aries eorū ac neutrū omnis roboris est iste: Ex parte reprobri non datur causa primi effectus reprobationis: ergo nec totius reprobationis. Antecedens: Quia primus effectus est illa prima permisso, qua Deus permisit Adamum labi in peccatum primum, quo tota natura est infecta: Sed illius permissionis nulla est causa ex parte reprobri; quia est ante omne peccatum. Ergo nullum peccatum est causa reprobationis. Confirmatur. Quia Prædestination & Reprobatio opponuntur: sed nulla est causa ex hominis parte, illius ergo nec huius.

AUTOR. Velut contra Pelagianos defendimus cum Calvinistis Prædestinationem: ita & Reprobationem, aduersus Calvinianos: Quippe, qui cum homines ante præuisionem peccati, ad peccatum & damnationem prædestinatos pertendunt; directè cum Dei iustitia pugnant; inque Deum, ut Autorem, flagitia omnia refundunt.

NOTA Verò in Reprobatione duos inesse actus.

1. *Negativum*, quo Deus noluit dare gloriam aliquibus.

2. *Positivum*; quo Deus voluit aliquos

quos ob eorum peccata damnatos. Sicque est Diuinum Decretum Reprobationis Negatiæ: & Decretum Damnationis, seu Reprobationis positiæ.

I. Reprobationis Negatiæ nulla est causa ex parte hominis; sed sola Dei voluntas.

1. Teste S. Scriptura in *Antichristo* p. 4. q. 19.

2. Ita S. Aug. epist. 105. Cur illum potius, quam illum liberet, aut non liberet, scrutetur qui potest iudiciorum eius tam magnum Profundum; veruntamen caueat preceptum. Vtriusque causam ait lib. de corrept. & grat. ca. 8. & 13. esse referendam inter occulta iudicia Dei.

3. R A T I O. Quia hoc ipso quod quis non prædestinatur, reprobatus intelligitur negatiæ reprobatione: At prædestination facta est ante prævisionem operum: ergo & Reprobatio negatiæ, similiterque neutra causam habet ex parte hominis.

II. Reprobationis Positiæ, qua Deus vult ad pœnas Damnare, causa est ex parte hominum, sc. peccata ipsorum præuisa.

1. Teste Scriptura in *Antichristo* quest. 19.

2. Sic S. Aug. l. 3. in Julian. c. 18. Deus potest sine bonis meritis liberare, quia bonus est. Non potest sine malis meritis damnare, quia iustus est. Idem epist. 106. Hec Massa se esset ita media, ut quemadmodum nihil boni, ita nec mali aliquid mereretur; non frustra videretur iniqtas, ut ex ea fierent vas in contumeliam: Cum vero per liberum arbitrium primi hominis in condemnationem uniuersa defluxerit, procul dubio quod ex ea sunt vas in honorem, non ipsi-

us iustitia, quam gratia nulla praesertim sed Dei misericordia: quod vero in contumeliam, non Iniquitati Dei, (qua absit, nisi apud Deum) sed in iudicio deputandum est.

3. Ratio fuit. 1. Quia condemnare aliquem sine causa, est punire sine culpa: quod iniustum est; & Deo, vii. iustissimo, conuenire nequit: Nam ait S. Aul. de grat. & lib. ar. c. 23. Deredit mala pro malis, quia iustus est: bonus pro malis, quia bonus est: bonus pro bonis, qui bonus & iustus est: Solum non reddit mala pro bonis, quia iniustus non est.

2. Quia reprobatio presupponit prædestinationem Christi: sed haec presupponit præuisum peccatum: ergo & reprobatio presupponit peccatum.

Maior: Quia omnis effectus reprobationis ordinatur ad gloriam Christi, qui constitutus est Iudex omnium.

Minor: Qui Christus dicitur D. Thoma prædestinatus, ut esset Redemptor, ac destrueret peccatum. Atqui haec presupponunt peccatores præuisos. Ergo.

3. Quia Reprobatio est actus iustitiae vindicatiæ: ergo presupponit peccatum.

4. Quia Deus nunquam reprobabonum, sed malum: ergo prius est malum, quam reprobatus: atque peccatum sunt omnia bona. Ergo.

DICO AD I. Pleraque Scharpf evasions colliduntur ad scopulum hunc Distinctionis: qua & Prædilectione, & Reprobatio sit utramque duplex.

1. Prædilectione in se, sive via intentionis diuinæ, causam habet omnem in Deo;



QVÆSTIO XXXIV.

*Cur; cùm eo fine creatísimus, vt si-
uaremur omnes; aliquatibz hoc
fine excidant?*

CALVINISTAE, vt docuiamus, omnem &
solam causam referunt in unam Dei volun-
tatem, ab aeterno statutam, etiam sine prævi-
sione ullius culpæ. Et quidem pauculi sunt
eis predestinati: Et circa hos solos suam ex-
ercent, aiunt, misericordiam Deus; iustitiam
contra reprobos indicat causâ eos damnans
morti, ad peccatum incitans, quo puniendi
habeat occasionem. Sic verò crudelem faci-
unt Deum contra infantes.

SVA DENT istis. 1. Cum nondum nati fuissent,
&c. Esau odio habui: Rom. 8.

2. Ibid. Non est voluntis, neque currentis; sed mi-
serentis Dei.

3. Cuius vult miseretur, & quem vult indu-
rat.

4. In hoc ipsum excitaui te, vt ostendam in te
virtutem meam. &c. Ergo reprobationis cau-
sa est sola Dei voluntas, non reprobati
culpa.

AVTOR. Deus ex se, suaque boni-
tate creauit hominem, genusque hu-
manum eo fine, vt omnes salui fieri-
rent; hucque media naturæ & gratiæ
dedit necessaria. Quod autem excidi-
mus omnes, & multi reprobentur; id
accidit vitio hominum, non Dei or-
dinatione. Ita S. Patres Chrysostomus,
D. Thomas. Vnde duplex fit Dei vo-
luntas. Primaria seu Antecedens opera
nostra: Secundaria seu Consequens opera
nostra; illa est ex Deo, haec ex nobis
occasionem sumit. Illa est bonitatis,
& vult omnes saluos fieri; haec est iu-
stitiae. Vnde Tertius de resur. Deus de suo
Optimus, de nostro Iustus est.

Docetur tribus. I. Gen. 1. Creavit

g

Denuo